

阿文成公年譜

阿文成公年譜卷十二

受業

王昶勘定

盧蔭溥增脩

第三孫那彥成恭纂

乾隆三十九年

五月初七日

公偕豐昇額色布騰巴爾珠爾奏言據總兵五福稟稱十一日丹壩土舍挑派土兵由作固頂前赴德烏當噶搶獲賊番牛隻又於十六日復挑土兵一百名同官兵前赴穆爾津岡下播坵地方乘夜

陞平方略全書卷二十一  
一  
搶殺賊番出碛對敵經丹壩頭人殺賊二名當卽  
分別獎賞以勵後効等因查丹壩漢土官兵本屬  
無多但如此相機搶殺亦可稍分賊勢現在飭令  
該鎮仍不時派兵掩襲奏入報

聞

十六日

公偕豐昇額色布騰巴爾珠爾奏言

臣

等查日爾

巴當噶卽係日爾巴碛該處在凱立葉一道山梁  
之中官兵若能佔住卽可斷截賊番上下往來其  
地實爲險要

臣

等前此屢次陳奏酌擬派兵從凱

立葉山腿斜上約會凱立葉官兵前後夾攻者卽  
係此處金經繪入圖內嗣臣等遣人詳悉踏看金  
與海蘭察等公同酌議以其地在山陰箐林深密  
崖礮陡險兼之彼此隔遠雪霧時作萬一不能如  
約夾攻卽不免有失利之處故得斯東礮寨前此  
雖經搶掠焚燒而日爾巴礮尙難期於必得是以  
未及辦理且官兵已定繞截喇穆喇穆後路一經  
佔據山梁則喇穆喇穆之賊旣可不攻自潰而  
格魯瓦覺各寨皆歸掌握從此進攻勒烏圍不惟  
得勢而且捷近所有日爾巴礮似可毋庸籌辦奏

入報

聞

二十五日

公偕豐昇額色布騰巴爾珠爾奏言竊查谷噶一路自本月初五日後雨雪交作日夜連綿較前更甚至今晷無半日之晴臣等焦切愈深而官兵亦靡不憤急初五日賊於雨霧之中在羅博瓦山坡添建新碉二座官兵望見均請往拆其碉雖泥濘甚深然距官兵頭卡僅有里許一鼓作氣尙可直達當經海蘭察額森特福康安於二更大雨如注

之時密派兵八百名前往直撲礮根毀牆而入經官兵砍死數賊餘賊潰逃立將賊礮拆毀現在官兵無不盼望清明人人思奮目今已交夏至此後雨雪稍稀自能奮迅直入而又有各路合攻則於掃犁之局無難於迅速集事奏入

諭曰連日盼望阿桂進兵之信甚切今據阿桂等奏近日軍營情形尙因雨雪未能采入實爲憤懣而賊人復乘雨霧添建新礮更堪切齒海蘭察額森特福康安等卽於大雨中殲戮數賊拆毀其礮足以壯我軍之氣而破賊人之膽於軍務甚爲有益福康安正當幼年藉此演

習成人於彼亦屬甚好至計阿桂拜摺次日卽交夏至  
向後雨雪諒必漸稀阿桂自當相機速進以期迅奏膚  
功從前曾諭阿桂等凡遇經過高山務當竭虔禱祀冀  
山神之默爲相佑利我軍行且以金川用兵情事朕實  
本無欲辦之心乃逆會索諾木等敢於負恩反噬罪惡  
貫盈實有不得不辦之勢並非朕黷武窮兵是曲在賊  
而直在我仰邀

上天昭鑒自必嘉佑官軍而潛禱逆賊之魄至所在山神  
代

天司化亦當助順鋤逆上體

昊蒼若石非時雨雪必賊鯨答所爲豈有正神轉聽賊人驅  
使爲此背理妄行之事况將軍旣已虔禱而不應卽屬  
邪氛從來邪不勝正或於雨雪來處用大礮迎擊如韓  
一愈之驅鱷魚亦屬正辦著阿桂斟酌行之

恭錄

御製詩

遣悶

摘詞擬遣悶實覺悶艱遣昨近屢作雲率被終風卷今朝  
雲旣無風亦爲之緩似此何日雨釋我愁纂纂况復接軍  
書阻雨計難展自克羅博瓦阿桂攻克羅博瓦礮卡已扼  
促浸門戶因於喇穆喇穆逼



近駢營爲進取計

門戶據初限對面突起峯更有賊礮繕叶喇穆

喇穆岡排柵守巉嶮其下曰則口格魯瓦角捍叶是皆近

賊巢勒烏抵死守根本賊人以格魯瓦角乃彼中要隘恐

憑因聚眾拒守金問脫出賊番供稱莎羅奔六路分兵進

調撥王臣蹇阿桂以羅博瓦相對山梁賊寨難以仰攻而

羅博瓦下溝攻取對而突起礮卡如攻得即一面分兵搶

佔日則額森特由海子斜上直取喇穆喇穆峯上第一口進

礮即分兵下壓爲海蘭察接應會爾會由莫斯滿了口進

攻石城即夾攻喇穆喇穆峯上第一大礮彰霽進攻了口

第二第三大礮保寧進攻山脚下第四大礮烏什哈達等

山羅博瓦下攻賊木城牽綴使其不能分顧福康安海祿

成德則皆爲策應之然需數日晴鼓勇鯨鯢剪而何逮一

兵調度頗中機要

月雨多晴乃鮮乃四句以來雨雪多而晴霽少官兵不便

令其衝泥履滑我滿洲勁旅急欲奮  
勇直前阻於無可施展人皆憤勵  
日朗澤陽坡氣寒凍

陰嗽刺手致尼步坐視賊不違  
按圖而計阿桂軍營距勒烏圍賊巢不遠是此一路

實有可進之機因命新調滇黔兵五千馳  
赴阿桂軍營助其聲勢俾益迅速集事  
三軍同敵愾蓄

瘳徒憤懣以彼移乎此  
軍營久雨少晴京畿久晴少雨若令兩地陰晴相易則彼此各得其

用惟願 上蒼默佑適如所願耳易地則皆善望之弗能得鬱陶惟愧赧

三十日

公偕豐昇額色布騰巴爾珠爾奏言竊查  
臣等前

此籌議繞截喇穆喇穆賊人後路久經部署妥協

特因崖險泥深未能攻撲深爲焦悶自應設法殲

戮賊人以舒忿恨且乘此雨霧未晴突然攻打或

可出其不意搶佔礮卡而喇穆喇穆了口大礮又與羅博瓦營盤相近可以一鼓直前當於十三日夜雨勢稍停分撥官兵於亥時進發至十四日丑刻雨雪大作海蘭察同官達色等帶兵不避雨雪直向喇穆喇穆高峯大礮鼓勇衝上連奪礮下石卡三座殺賊十餘名餘皆帶箭竄入大礮圍攻三次直至礮根拋擲火彈及用千金撬其礮上鎗眼石塊究因雨濕火彈不能焚燒攻至巳刻賊番併力死守將兵漸次撤回其額森特福康安等帶兵由喇穆喇穆了口木城背後登越前進連奪石卡

二座斃賊數名而正碣因雨後陡砌泥濘未能克  
取其魯爾魯等帶兵進抵碣根與海蘭察等合力  
攻打賊人出碣抗拒殺死十餘名被傷逃遁者亦  
復不少至烏什哈達明仁等帶兵進攻羅博瓦山  
岡下木城石碣當有賊番百餘從箐內衝出迎敵  
侍衛額爾登保卽行帶兵衝擊復見山坳內一隊  
賊人欲赴喇穆喇穆山梁救援烏什哈達等又率  
同額爾登保副將豐盛阿迅往截擊鎗箭齊施賊  
番受傷亦衆擊敗遁回其保寧彰靄等亦先帶兵  
預備一聞喇穆喇穆山梁鎗響知官兵業已進攻

隨於喇穆喇穆山梁之左斜上攻撲山腿各礮以  
搗其虛又成德特成額等帶兵從薩斯嘉赤溝攻  
賊木城成德等一面派參將高璫等埋伏接應一  
面派都司鄭起榮等帶領土兵進攻各土兵等衝  
進木城砍殺賊衆過半正在併力圍殺而其上面  
礮衆蜂擁救援我兵復出木城搶上側旁山梁抵  
禦特成額高璫伊里布等又帶兵合力奮擊賊卽  
敗回礮內抵死拒守各隊以次撤回查此次進攻  
實以相持日久各兵鬱悶已極故於奪卡撲礮無  
不人思自勵究因泥滑未乾又逢大雨以致有殺

戮不能克取實屬<sub>臣</sub>等過急之咎但喇穆喇穆山  
形雖險究不如羅博瓦之高峻一俟晴霽必不能  
久阻我兵<sub>臣</sub>等現於羅博瓦山岡下添築木城礮  
臺將大礮運往以上臨下對準賊人木城石礮儘  
力轟摧若該處之礮一有坍塌之形固可隨機搶  
佔而賊人見我著意於遜克爾宗一帶或於喇穆  
喇穆防禦稍疎於下次攻取亦爲有益但思該處  
林箐深密官兵砍伐木枝賊必前來滋擾因令海  
蘭察等派出吉林索倫官兵先行埋伏果有賊百  
餘分爲三股來犯砍木之兵伏兵齊起直前奮力

攢射除殲斃外餘多帶傷滾逸至十六日黎明成德營盤對山林箐之旁遙見有騎馬兩賊往來知是誘敵之計先派章京哈薩爾圖遊擊穆克登阿等帶兵繞越山梁以截賊人後路成德卽同侍衛伊里布都司鄭起榮等帶兵二百衝入林箐又見賊三百餘名或伏於大石倒樹之內或爬在大樹之上放鎗拒敵我兵正在截殺間適特成額六十一帶兵趕到賊又見哈薩爾圖等帶兵已上山梁與遊擊福敏泰都司納奇善合兵下壓知係往斷其後紛紛奔竄我兵尾追追殺斃賊甚多及賊奔

至哈薩爾圖等所到礮下我兵雖未及合圍而賊經過之地均係鎗箭可及之處官兵從旁合力擊射復斃賊十餘名餘賊中鎗帶箭逃遁回礮此次打仗共計殺賊五六十人而其受傷竄去者更爲不少查賊人勢窮力竭尙敢肆其詭譎設伏引誘更爲可惡但非惟不能得意而因此轉多殲戮賊勢自必日形消阻奏入

諭曰此次官兵出其不意殲賊五六十人其帶傷遁回者更爲不少自足以碎其膽而褫其魄但現在夏至已逾半月向後晴霽必多阿桂當乘時相機攻剿以期迅速



奏功

公又偕豐昇額色布騰巴爾珠爾奏言賊中雨雹  
疾病情形詢之脫出各土兵及屯練漢兵等所見  
相同似非捏飾惟是因獸猶鬪而此時相持既久  
賊番別生詭計偷刼營卡抄截後路皆爲事理所  
應有誠如

聖諭不可不防但此時既無小金川番人潛爲內應夾壩  
前來斷不能於要緊地方竟行佔據以肆其抄截  
之謀卽如前此巴木通帛噶爾角克碉滋擾之處  
賊番實有男婦二三百人而該處官兵不過百餘

卽將賊番擊退是其鬼域伎倆已無可施而臣阿  
桂又令富勒渾常青旺保祿等相度形勢將河北  
零星之營卡盡移設於河南當此水漲湏急之時  
橋座旣俱經拆毀皮船又難急湏似可不慮其滋  
擾臣等仍密飭後路各提鎮小心防範務在肅清  
其附近大營之營卡並嚴飭將弁等毋得稍存疏  
懈其後路改設臺站事宜俟提督等議覆到日詳  
悉具奏臣等谷噶一路仰荷

聖明期望較有可進之機而衆議僉同亦無不以爲可望  
况前此兩金川併其螳臂抗拒王師不及一年尙

將小金川卽行殄滅今止有金川葛爾一隅豈有  
不卽掃除之理再以賊會力量計之卽使鉛藥米  
糧尙不致於竭蹶而人數究屬無多今蒙

皇上賞給吉林索倫勁旅以來鎗箭所施殺賊實爲不少

臣阿桂十三年在金川及前年在資哩阿喀木雅  
均未見有殲戮如此者卽去年臣阿桂在南路當

噶爾拉山梁節次打仗頗有殺戮亦無如此之多  
賊衆只有此數日就死亡而大兵聲勢日增斷不  
能久爲支拒近因雨雪連綿輒多稽阻今時令已  
交仲夏向後暢晴卽可力攻深入以仰副

皇上期望至意奏入  
上嘉之

六月初八日

公偕豐昇額色布騰巴爾珠爾奏言五月十八二十等日賊番疊來滋擾官兵均先後設伏前往衝殺殲斃頗多至二十日夜烏什哈達帶領官兵接拏柵座是處本爲遜克爾宗屏蔽若被我兵搶佔則遜克爾宗卽難據守度賊人值此窘急更當悉力前來侵擾因令海蘭察額森特帶兵防備福康安等在後接應亥刻果有賊從林箐衝出烏什哈

達等併力追殺賊雖屢却尙以木植蔽身放鎗支拒天近黎明額森特親帶吉林索倫及土兵衝殺海蘭察亦帶兵從右衝下合勢攻擊弓箭愈近愈無虛發賊人踉蹌奔竄官兵追殺直抵賊碕之下此次殺賊更多負箭奔竄者尤衆又二十二日夜戍刻有賊三四百名將遊擊福敏泰都司納奇善等五卡圍住而把總楊遇春所守之第一卡外賊人聚集尤多其成德營盤前面薩斯嘉赤溝內亦有賊人鎗礮火亮成德卽派兵一百名令遊擊穆克登阿上色依谷山梁接應又率都司鄭起榮等

前赴溝內設伏預備截殺敗遁以及應援之賊維  
時福敏泰納奇善兩卡侵擾賊人本屬無多一經  
知覺放鎗滾石賊卽敗遁隨各帶所領之兵分爲  
兩翼下壓至楊遇春所守之卡見賊人蟻聚吶喊  
疑爲是卡已失福敏泰等遂高聲傳號經楊遇春  
在卡內應聲因卽施放連環鎗直下攻撲賊人紛  
紛敗遁官兵乘勢追殺直至箐邊而止查楊遇春  
木卡內只有官兵五十餘人而賊衆二三百人自  
二更攻起直至五更已將木卡砍開缺口金不能  
稍有動搖仍待應援兵至合力擊退則賊人伎倆

已可概見其溝內前來之賊亦經成德擊敗遁逃  
以此地形勢而論一得喇穆喇穆則遜克爾宗固  
可必得而一得遜克爾宗則喇穆喇穆亦必不攻  
自潰今已拏起木卡十五座相距賊人礮卡均係  
鎗箭可及之地臣等現擬築起礮臺用礮轟摧則  
賊人在前之三礮自可相機攻取一得三礮在後  
之二礮亦斷不能固守至此地尙有可以設法繞  
進之處而滇兵三千業已全數到來現在詳探道  
路情形趕緊籌辦再二十日夜賊人來擾新拏木  
柵瓦寺土都司楞真帶領土兵臨陣殺賊實爲奮

勇該弁前已賞戴藍翎今臣復行賞給花翎以示

鼓勵

公又偕豐昇額色布騰巴爾珠爾奏言伏思攻剿金川爲時已久尙未能剋期掃犁臣等焦切彌深

寢食俱廢但此番自春入夏雨雪連綿者七旬天晴晴雨原與我爲賊公共之事而此間攻守異勢賊人於礮卡之內安坐據守不憂雨雪而我兵攀林踰石涉險衝泥勞逸迥異且雨中登涉所有火藥火繩火箭一經沾濕卽難應用所以於攻取之勢籌辦頗多費手其間有一半日晴霽屢次議定



進攻仍又雨雪瀰漫終未得手此間進兵利於秋  
冬每不利於夏令今以時勢揆之賊人悉其力量  
全在此間堵禦而雨雪稽攻之際賊人於內一層  
險要地方增修礮卡而所籌計者又以移步換形  
必須踰探確切始可察間繞越現交夏至以後雖  
偶有一二日之晴而風雨仍不時間作臣等惟有  
竭盡心力設法辦理至此次後路軼出賊人頗多  
而後路衰延幾至四五百里臣阿桂實亦鞭長莫  
及但後路各處今已將零星營卡酌量撤併賊更  
無從窺伺以擾軍心故近日以來轉於前敵左右

偷劫營盤以逞其困獸猶鬪之計然賊於附近大營之處多一番滋擾卽多一番剽殺轉望其多來以紆忿恨均奏入

諭曰阿桂等奏十八二十二二十二等日俱有賊衆前來侵擾將弁等守禦嚴密賊不能犯並經阿桂預先設伏因得堵截殲剽殺賊甚多等語賊人此時尙敢爲困獸之鬪經各卡官兵實力抵擊均堪嘉獎著阿桂等查明記其功績俟大功告成時一併咨部優叙又另摺奏稱此次後路軼出賊人頗爲不少後路袤延幾四五百里實亦鞭長莫及等語科多破碉巴木通各處現交富勒渾

常青旺保祿等實力分防而阿桂近日差往之穆塔爾等幫同搜勦甚爲出力惟在伊等防守弗疏巡查得法自可無虞滋事該提督等當勉爲之况昨經富勒渾奏抽調川省存營兵二百名同屯土兵數十名分安大板昭撤納一帶以資防勦是凡緊要處所俱已派兵守禦辦理亦妥阿桂務須從長妥計迅奏膚功以膺茂賞

十四日

公偕豐昇額色布騰巴爾珠爾奏言查前月二十二等日官兵接拏木柵擬用礮位轟摧遜克爾宗以爲尅日攻撲之計當將鑄成礮位運赴礮

臺摧擊甚爲得力二十七日大霧稍開打中賊人  
第三礮礮子穿礮而過此礮係賊收藏火藥之所  
火藥轟發其礮立場礮內賊衆已均轟斃其各處  
礮位亦時有擊斃賊人實爲得力但目下天氣仍  
不時陰雨本月初一日且降大雪卽有半日稍停  
而霧氣轉大官兵距賊雖近礮座亦不能見是以  
雖經轟毀賊隨於雨霧中復加修整查此處賊礮  
五座本尙可以繞圍第因坡礮陡削且兩邊均係  
箐林又有賊卡應援攻勦不無費手臣等思賊人  
狡獪異常竭其力量畢聚於此遜爾克宗之賊旣

日加增喇穆喇穆之賊未常見少自應於此二處

一齊攻撲使賊不能揣我兵之所向臣等已復趕

鑄礮位設於別斯滿丫口極力轟摧仍將兩處派

定之兵時刻預備一俟稍有摧殘不拘日夜乘其

未及修補之先立時攻打至日爾巴當噶從未攻

勦若能出其不意突前進據則五岱處官兵亦可

乘機攻壓合勢而下但該處大概情形雖可由羅

博瓦一望而知而溝內箐林深黑其中路逕曲折

尙須詳審俟踰看明確時併力攻撲自不難於得

手再五月二十五日有四川提標兵丁買國正從

底木達被賊擊去今乘賊人酒醉逃出又稱上年見有旗人尼姓者原戴孔雀翎同在一處常說看守甚嚴求死不得嗣於臘月間乘空投水身死等語兵丁買國正係得傷被擒屢次冒死走脫應卽收伍畱營差遣其所稱尼姓之人<sub>臣</sub>等詢其年貌卽係護軍參領尼三泰上年九月間據賡噶供有尼三泰被賊擊去衣裳破爛逃又不能逃出之語今投水身死買國正既經目擊自無疑義奏入

諭曰據阿桂等奏查看正地山口及甲爾壟壩兩路擇其穩妥者相機進剿自當如此慎重又據阿桂等奏用礮

下擊賊礮一摺此實最好機會阿桂處既得自高臨下之勢又有礮力相助可望有成又據奏天氣仍不時陰雨且六月初一日尙然下雪雖番地氣候異常亦不應乖舛若此似係賊人鯨答所爲但鯨答本非正道只須衆人不以爲事法卽不靈所謂見怪不怪其怪自滅亦邪不勝正之定理也將軍等當諭知營中將領弁兵使皆明於正理而不惑於怪異其技自無所施至喇嘛噶爾瑪噶什前經明亮等奏於五月初六日前赴西路軍營念經距阿桂拜發此摺時已將一月該喇嘛曾否到營何以未見阿桂奏及前曾發往新造利益鈴袴一分

令其看噶爾瑪噶什如道行果好益能實心出力卽將  
鈴杵賞給阿桂接奉前旨必更畱心察看噶爾瑪噶什  
若實係有道力之人則令其破賊番儼答邪法以止兩  
開齋自非所難

公又奏言後路防兵應行歸併移改之處

臣通盤

籌核查美諾爲南北適中之地自須重兵駐守以  
通兩路軍營消息而欲守美諾必須守美諾以前  
之思巴喇布二處此二處舊有防兵分駐今更將  
裁撤羅博瓦之兵併入思巴裁撤格斯底之兵併  
入喇布則據守尤爲得勢而大壩溝口及薩穆果



穆橋又已分安卡座賊自不能前來滋擾其西路之巴木通帛噶爾角克礪破礪等處南路之科多等處均在河北逼近賊境應將分駐河北之兵悉改移於河南有大河以爲之限而又當此盛夏水漲之時橋梁拆斷賊人雖有皮船金無內應必不敢如上年截流而渡自可絕其覬覦之端至僧格宗本在山崖之下賊人若據其巔憑高瞰下滾石放鎗官兵卽難支禦從前礪座完好之時大兵一據納木覺爾宗賊尙卽時逃竄此其形勢已可概見况現在礪座已毀官兵營卡瀕河布設更屬不

能得勢卽糧運改由南路供支仍不免夾壩滋事  
所有南路河北地方應從納木覺爾宗起而以日  
古嚕默資溝科多一帶防兵移駐河南分設於達  
實喜榮寨塔克撒舍隆等處其自南路至美諾之  
大路亦改從河南往來叅將銜汪騰龍卽於納木  
覺爾宗駐扎至底木達河北之巴木通帛噶爾角  
克礪木波一帶防兵移駐河南分設於舍克噶至  
叨烏等處其自美諾至撒納之大路亦改從河南  
鄂克什別斯滿達扎山來往並添兵於達扎及兜  
烏二處以資接應提督常青仍於底木達駐扎其

撤納一處爲楸砥糧運經由總口酌令富興往駐  
惟布朗郭宗一處雖在河北而地當美卧溝賊徑  
未可議裁且現設官兵駐扎之處離橋甚近而由  
橋以至底木達營盤亦不滿一里橋之兩旁設有  
守橋礮座而底木達有兵八百餘名彼此照應呼  
吸相通實可無虞此外附近美諾之明郭宗附近  
撤納之科納科紐克等處均應照舊安設至南路  
分撥所餘之兵歸入納木覺爾宗西路分撥所餘  
之兵添入撤納以資搜剿但查南路應撤之兵尙  
多今塔克撤一處係小金川番人向來過渡之所

而榮寨達實喜亦與納木覺爾宗僧格宗相對應  
將策卜丹沙木拉爾資等四處應裁應減之兵添  
入塔克撒一百名共安兵三百名其餘仍令桂林  
等酌量加增再自納木覺爾宗上至拉察喇嘛寺  
又自拉察喇嘛寺上至阿布爾則前桂林等議於  
中間添設二卡各安兵一百名但地方遼濶密邇  
當噶爾拉賊碉官兵力弱勢分轉恐啟其窺伺已  
札致桂林酌量歸併以資防禦所有應行安兵地  
方併飭各提鎮等親往相度擇有水泉處所務令  
卡牆堅厚溝濠深濶使賊無從侵擾並將各卡弁

兵如何哨望巡防之處悉心指示嚴飭遵行其接  
遞公文往來會哨各事宜亦令該提鎮等公同酌  
議另行核辦奏入

上嘉之

二十一日

公偕豐昇額色布騰巴爾珠爾奏言

臣

等於前所

拏礮臺之外茲又連拏木柵二座距賊僅有一箭  
之地晝夜轟摧賊礮上截已漸次摧殘約計二三  
日即可奮力搶撲近日前敵上時有賊番叫喚用  
礮屢經擊斃而賊番叫喚愈急據稱僧格桑已經

身死或將屍身擡來或差人前去驗看等語臣等  
令土兵高聲斥詈以僧格桑罪大惡極金川敢於  
容畱卽應將索諾木一同剿滅前次稱將僧格桑  
擒獻尙且不受今已就死更何值差人在驗况僧  
格桑雖死索諾木自應代伊受縛以昭顯戮賊衆  
聞知皆股栗奔竄而去竊思僧格桑之死雖未可  
信但前據脫出番人已有僧格桑患病之語如果  
已受冥誅則竄入之小金川番人自必心生離畔  
而僧格桑雖死大兵仍復四面奮攻賊知  
天朝務欲將金川掃殄自必益加震動奏入

詠曰阿桂奏邊口賊人稱僧格桑已經身死或將屍首擡  
來或打發認識人去驗看等語阿桂等斥言之語詞義  
雖覺嚴正但於賊人奸詐底裏未曾揭破不能使之畏  
懼竟當令土兵向賊眾云爾等前用木籠擡獻僧格桑  
時將軍等以兩賊首方狼狽爲奸豈肯無端擒獻必係  
賊匪詭詐斷不可信因其時既不受爾所獻之囚亦不  
值向爾鼠輩較論今賊曾見前計未售復爲此計則爾  
等鬼蜮肺腸更加顯露豈能爲爾所惑爾等可回告賊  
首以索諾木兄弟負恩犯法罪大惡極爲覆載所不容  
必須剷滅殲誅爲眾良善土司除害今天兵壓境賊巢

破在旦夕若衆番明於順逆卽將索諾木莎羅奔兄弟及助惡之頭人等縛獻軍門尙可貸爾番衆之罪若僅以僧格桑塘塞無論其死活存亡皆所不問亦斷所不受又安肯派人赴賊巢驗看其真假乎土兵等傳語斥詈訖卽一面用鎗礮轟擊並令官兵等共知此意使不爲浮言所惑至向來自賊中脫出官兵止供稱被賊掠去收於地窖從未言及賊人問其軍營虛實情形若何此卽緣營惡習恐以洩露軍情獲罪故爾諱匿不言而將軍等亦從未以此訊供未免疏漏想來賊人不時掠我兵丁自係欲探內地消息况賊番向與內地交易能



說漢語者自不乏人豈有不向其詳訊軍營諸事之理  
著傳諭將軍等所有節次脫出之綠旗兵丁若尙畱營  
充伍卽令將軍參贊等就近隔別研訊其已遣回原營  
者卽令文綬提至省城研訊問其被賊拘畱時詢以何  
語務令確實供明勿使絲毫隱飾

公又偕豐昇額色布騰巴爾珠爾奏言駐扎丹壩  
總兵五福同副將李天佑於六月初三日駕馭丹  
壩土舍頭人派兵一百四十名卽於是夜進攻穆  
爾津岡賊礮至初四日丑刻砍開礮門拋放火彈  
內賊六名均經殺斃隨將戰礮放火焚燒其山梁

礪卡賊人齊來救援各兵又奮勇上前接仗斃賊甚多查丹壩兵丁爲數無多原不足資采入但屢次殺賊燒礪亦可以寒其膽而分其勢臣等又密諭以初十日前後各路官兵約齊併力進攻該鎮等鼓勵士兵屆期搶殺自必更能得手奏入

上嘉之

公又借豐昇額色布騰巴爾珠爾奏言查小金川番人於所獲糧食俱擇隱僻處所掘窖埋藏而所埋不過數斗零星分貯非其親自窖藏者卽不能知其習俗然也臣等從前亦令士兵各處察看如

有窖藏踪跡卽行刨挖然並無所獲惟是小金川地方其山坡平坦之處去歲番人零星種有秋麥現已揚花吐穗雖爲數無多亦不可任其出而偷割查鄂爾什別斯滿等處番人素皆貧窘得此尙足以裨生計現今鄂爾什土司策塔爾及管理別斯滿之侍衛穆塔爾等帶領老弱婦穉收割金酌派土兵於收穫之處預行埋伏如有賊番潛來搶劫卽行痛加殲戮奏入

上嘉之

公又借豐昇額色布騰巴爾珠爾奏言斯第胡土

克圖之徒第噶爾瑪噶什等率其徒衆於本月初七日來抵西路軍營查喇嘛等雖非黃教然看其光景頗有修持據噶爾瑪噶什呈出伊師斯第胡土克圖所畱番稟上有灌頂圓通妙法國師之印臣等當令通事繹出係陳其年老患病不能出力臣並述從前轉世及得受前代印信緣由懇求照舊作興之意臣等遵

旨諭以汝等誠心出力

大皇帝深爲嘉獎俟大功告成汝等所請廟名印信自應卽爲具

奏喇嘛等甚爲感悅而軍營各士兵見之無不誠心  
皈依共謂金川卽當殄滅奏入報

聞

諭曰現在阿桂等分路進剿而阿桂一路尤爲得力自可  
剋期采入若官兵攻至勒烏圍時賊衆必更併力守拒  
攻擊尤爲緊要而制勝之道自必用礮轟摧但賊人礮  
卡石牆甚厚礮力未必卽能擊透因思昔年曾以衝天  
礮擊賊卽俗所稱西瓜礮者用之頗爲得力若施放有  
準礮子墜入礮中隨藥烘發礮內之賊無難一礮而斃  
較之拋擲火彈豈不勝至百倍現在派出乾清門侍衛

阿彌達令其馳驛送往軍營但必試演定準解往方能得濟阿彌達自熱河起身到京尙需二三日著傳諭舒赫德英廉卽將所有西瓜礮取出試看並於造辦處選派諳習機線之人於欽天監選派精於測量之人同至演礮處所約計賊礮高寬丈尺紮縛木架或就山岡處立架使有高下形勢比平地演算更準如演放數礮視其礮子俱能正墜礮架之中藥線遲速俱能合法則用之自必有效可將派出之造辦處欽天監人員辦給應得分例俟阿彌達到京卽令帶領由驛前在其解礮應用車馬之夫役並迅速傳知各該省按站遞送毋稍稽

俟再衝天礮體重自三百觔至三百八十觔不等恐進  
棧以後人夫運送稍覺費力此礮銅鐵皆可鑄現在軍  
營鑄礮銅鐵源源運往鐵匠俱可供用止須按礮式大  
小製就木樣令諳習成造施放之人費帶應用之螺旋  
藥線及礮子烘藥等項同往軍營就近成鑄配用則行  
程既速應用尤爲利便至其四輪礮車更可至彼成造  
止須按其程式開明尺寸作爲小樣帶往更爲省事均  
著舒赫德英廉預爲妥辦俟阿彌達到京後卽令起程  
至所需鑄礮銅鐵必須鍊淨方爲有益著阿桂於接奉  
此旨後將銅鐵預鍊備用則所派人員一到軍營卽可

供鑄尤爲迅速益有賞給阿桂豐昇額色布騰巴爾珠爾大小荷包各一對亦令阿彌達賚往

二十五日

公偕豐昇額色布騰巴爾珠爾奏言查羅博瓦山岡下賊人據守之地各色溯魯山梁中間連設三礮又於其右邊礮下築一大礮左邊礮下連築兩礮與中間三礮互爲援應其六礮前後兩旁樹林蒙密官兵穿林前進必須偃僂而行兼之雨雪數旬賊將各礮柵收拾益堅且由羅博瓦山岡前抵木城石礮自上而下陡削異常官兵不能攻取則



退撤甚難亦不可不決策以期必得臣等派兵分爲三路於十二日月黑之後卽令各兵分隊而下不但金無人聲金不許火繩露有火光各兵潛往埋伏等候賊人尙無知覺其喇穆喇穆各礮前此運礮轟摧亦稍塌損金令會爾會保寧海祿同時帶兵攻撲使色溯會各礮之賊前後救援更可以分其力而喇穆喇穆之右山腿金令總兵成德特成額等作爲進取之狀以綴賊勢會爾會等率兵直上連搶兩大石卡賊人合力憑礮抗拒鎗石如雨海蘭察等三隊之兵直抵礮根將第一礮圍住

察看賊礮上截雖經大礮摧殘而其下截因橫堆木植以爲抵禦尙無損傷但賊礮鎗眼旣爲木植所遮賊鎗無從施放官兵轉藉所堆木植騰之而上撬挖礮牆拋入火彈賊見官兵四面合攻竄逃無路尙悉力固守臣等先派吉林索倫等兵埋伏而令官兵畧開一路賊果從伏兵中間竄出各兵儘力攢射殪斃之外其餘無不負箭而逃官兵旣克第一礮進圍第二三礮賊人尙復抵死抗拒鎗石甚緊而官兵勇氣倍加騰上礮頂砍破礮門痛加殲戮第二三礮立時全克其額森特所攻左邊

兩礮及烏什哈達等所攻右邊一礮亦皆先後攻取賊番殲斃殆盡併將附近平寨一併奪取惟查色溯魯之前山勢迤邐向下又分爲兩支向南一支上有賊礮二座向西一支係直下遜克爾宗之地上有礮座二處均甚堅固必得此處始可順山直入箐林下至有民寨莊田之所地形稍敞則左右中三路皆可進攻遜克爾宗礮寨官兵是日又將西向山腿一礮搶獲而敗退之賊及接應之賊於所克礮座前相離里許山寨突起處之第二石礮內竭力死守十三日早復攻西南兩面山梁之

礮自辰迄午連撲數夫將向南山上之第一賊礮

又經克獲其第二礮及兩西峯巒窺趨之礮困礮

箐深密礮堅路險一時未能克取查此處山梁雖

逐步漸下而峯巒如脊兩旁盡屬陡崖其陰陽兩

面均箐林深密官兵若從兩旁抄上則須偃僕而

行難於施展若從中路直進則正對堅礮鎗石齊

下督兵攻撲勢必多致損傷臣等現拏木柵數座

直逼賊礮運礮轟摧稍有塌毀即可撲攻一得此

處地面稍寬則進抵遜克爾宗似易爲力至此大

共計攻獲戰礮十一座平礮四十餘間獲賊六名

殺賊二百餘名割取首級三十九顆並殲斃帶兵  
大頭人達實策旺及巴古布里寨頭人巴克多綽  
窩思達爾結二名所獲礮位火藥鉛丸及烏鎗刀  
矛口糧甚多此次官兵於攢集堅礮之處竭力撲  
擊自不免於損傷然尙不至甚多其內委署章京  
德海受傷較重副將烏爾納遊擊羅江鱗守備果  
關五達色得受鎗石等傷俱輕副章京索柱委署  
章京福勒奮不顧身以致陣亡殊爲可惜奏入  
諭曰阿桂等奏稱攻克色湖魯木城賊礮並殲斃帶兵大  
頭人等一摺覽奏深爲欣悅此次將軍等督率有方各

將領弁兵於山崖險仄之地均能勇銳直前頃刻之間克獲堅礮數十殲戮賊衆多人甚屬可嘉所有將軍參贊及摺內帶兵各員卽著交部議叙其在事出力之將弁兵丁查明咨部議叙用獎勞績

又

諭曰阿桂等奏派兵攻取色湖魯山梁殲戮多賊大小礮卡全行克獲將軍等調度有方領隊大臣以及官兵人等不避艱險奮勇前驅洵屬出力朕嘉悅之極更不禁惻然憫惜除已降旨交部議叙外阿桂豐昇額色布騰巴爾珠爾著將朕所御用燧囊賞給曾爾曾額森特烏

什哈達福康安成德等亦各賞上用燧囊一件以示優  
異官兵內有奮勉打仗應行賞給巴圖魯各號者卽查  
明具奏至此大所殺大頭人達實策旺從前未經奏入  
著阿桂查明具奏

恭錄

御製詩

軍郵

軍郵今日來報克色湖曾羅博瓦捷後兩月餘阻雨雖定

六路攻曾未寸步舉

先是阿桂擬分兵六路由羅博瓦下  
溝攻取對面突起礮卡槍佔日則了

口金攻喇穆喇穆峯上大礮以番  
地雨雪久不止我兵未能卽進邇來畧放晴我軍勇倍

賈門戶既已近賊人防益固叶山脊築之礮左右更夾輔

進退兩維谷決策在破益期得而後往將軍計非鹵分投

各銜枚一呼發萬弩羅博瓦岡下地名色溯會賊於山梁

礮右一左二與中互為援應時因久不進攻官軍蓄銳勵

勇思一展試會連日晴霽先派海蘭察等統兵攻中路額

森特烏什哈達等各統兵攻其左右福康安等為後應十

二日丑刻月黑後阿桂豐昇額色布騰巴爾珠爾董率各

兵分隊銜枚前往設伏先令會爾魯等攻撲喇穆喇穆各

礮以分賊人之力其右麓金令成德等作勢牽綴會爾魯

等直上連搶兩大石卡賊方合力抗拒海蘭察等已直抵

第一礮根賊因礮半為礮所摧於下截堆木為禦官兵即

就木堆騰躍而上破其礮牆拋入火彈賊見官兵四面圍

攻固守不出乃派索倫兵預伏其旁開圍一面誘之賊果

竄入伏中官兵控弦以待射殪過半餘亦負箭而遁其第

二三礮賊雖悉力死拒官兵亦皆躍上礮頂毀門克之礮

賊殆盡其左右兩坡之礮並先後攻克殺賊與中路峇同

復克其向西山麓之礮翌日又克其向南山麓之礮是役



也統計攻獲戰礮十一平礮四十礮五火藥鉛丸鳥鎗刀  
矛口糧無算殺賊二百餘割首級二十九耳訛五殪其大  
頭人達實策旺卽索諾木令在此路領兵者又斃其次頭  
人巴克多綽窩思達爾結二名捉得生口六皆訊供以聞  
人人自爲戰上下力各努踔礮如履平礮石中鼓舞觀之  
心惻然喜極淚欲墮叶得戰礮十一平礮四十許殺賊二  
百餘器械獲無數殲其大頭人率醜守礮者叶蓋自用兵  
來斬獲斯爲巨臨遜克爾宗勒圖近堪覩賞卹所弗惜兵用  
以來克礮斬獲之多無有及此次者因勅部錄叙金解親  
佩燧囊賜將軍參贊以示寵異其領隊大臣之出色者如  
海蘭察等六人亦賞上用燧囊各一嘉許難形語佇待馳紅旗崇捷者定武

七月初三日

公偕豐昇額色布騰巴爾珠爾奏言查色溯曾前

向西山腿賊礮係在一線山嶺之上石礮本爲堅固而山峯如脊兩面箐林叢密尤難徑行搶撲是以<sub>臣</sub>等接拏木柵前逼賊礮並即用礮轟摧三四日間頗有坍塌<sub>臣</sub>等於十八日夜派海蘭察額森特分帶官兵前進又令烏什哈達成德魯爾魯等分路進攻以綴賊勢於十九日丑刻分隊並發各官兵因上次已獲大勝人人奮勇爭先直前攻擊賊於礮內施鎗擲石又復潛藏濠內往上擊打兩處皆係箐林或隱身樹上或匿大石隙間悉力抗拒官兵分頭剿殺斃賊甚多四面皆有賊鎗官兵

無可遮護自寅至巳恐至多傷因將官兵漸撤其  
烏什哈達等所攻向南山腿之礮亦將木柵攻開  
礮外尙有深濠正欲將所帶梯板乘勢過濠而西  
面有賊百餘接應背後林內亦有賊來應援官兵  
鎗箭齊發傷斃甚多賊衆旋即敗回礮內抵死拒  
守其魯爾魯等攻打喇穆喇穆北面之兵潛上山  
梁直攻賊卡金擲火彈焚燒賊人驚亂棄卡竄入  
上面高礮併力固守官兵見賊人聚集乘間放礮  
賊人多被擊死至成德等攻打喇穆喇穆東面之  
礮賊衆從深林兩邊抄出欲截官兵之後成德等

分兵迅擊斃賊十餘名餘賊被傷敗遁而去此三處官兵因前路已撤亦俱徐徐退下此次打仗巴圖魯參領與奎守備巴綳阿得有鎗傷其餘弁兵內陣亡受傷者統俟查明報部查大兵一得遜克爾宗循格魯瓦覺溝而下即可直抵賊巢是以攢集醜類併命於此守禦而喇穆喇穆之賊察看已經稍減臣等擬一面攻打色溯會向西之礮一面分路潛上直取喇穆喇穆中間之礮不論何處得利均可順山攻壓

公又偕豐昇額色布騰巴爾珠爾奏言本月十六

日有小金川番人雍中噶勒丹彭木爾結僉番女  
得爾章從金川投出臣等詢稱前日大兵攻擊殺  
死大頭人達實策旺百姓死傷甚多聞說若再失  
去色溯會連喇穆喇穆凱立葉俱難保守現在帶  
兵大頭人是布籠會阿納木山塔爾薩木坦納幹  
策楞三人其賊衆已經逃散者均已追回同守又  
聞欲集各處番人來斷官兵後路而此時各寨僉  
無男人其老幼婦女甚是慌亂兩金川人互相偷  
竊僉偷及土司糧食至僧格桑從前原思送出土  
司頭人恐其送去即將金川指噉之處告訴

天朝且聞穆塔爾現在官兵營盤若代僧格桑求恩赦罪  
渠帶小金川前來助戰或並將逃在金川之小金  
川番人招之出去必至卽行潰亂因將毒藥酖之  
俟其將死送出及送出時大兵不收僧格桑亦死  
土司又差頭人達爾什阿桑山塔爾薩木坦將屍  
交出大兵不收卽埋在遜克爾宗河岸此時小金  
川番人見僧格桑已死均思逃出土司聽知撥到  
宜喜一帶守卡將來大兵進去定要來降等語查  
賊人只有此數今自進剿以來卽就谷噶一路屢  
次殲斃已多加以大兵四面環攻其左支右誦不

敷拒守勢所必然卽悉其賊衆前來滋擾而官兵後路無處不刻刻嚴防轉可趑機痛勦且賊酋旣欲將僧格桑呈獻免罪又慮其出而首告商謀用毒俟將死時始行獻出其殘忍險惡實與蛇蝎無殊現雖捨死拒守而官兵佔據得勢止須破此一重要隘賊酋等斷不能久延殘喘至投出番人內其雍中木爾結番女得爾章眷屬尙在噶勒丹彭係番人奴隸隻身並無親屬當另爲安插均奏入諭曰阿桂等攻碉殺賊並妥籌進取各情形此次雖未攻得碉卡而官兵等奮力攻打斃賊頗多亦足令賊人喪

膽當此吃緊關鍵攻取不宜稍緩據阿桂一面攻色湖  
曾向西山腿之礮一面分路潛上直取喇穆喇穆中間  
之礮卡不論何處得利均可順山攻壓直取遜克爾宗  
等語所籌甚是如此設法攻勦必能迅速得手至前此  
豐昇額奏欲帶滇兵仍回凱木葉進攻較之初奏欲回  
宜喜分勦之說自爲有理是以諭令前往凱木葉今阿  
桂旣攻克色湖曾尅日可以采入豐昇額又以助阿桂  
攻勦爲是所謂軍營機要移步換形者正指此等而言  
阿桂等當努力建勲佇膺茂賞勉之望之又閱奏到脫  
出番人雍中等供詞有聞得賊曾有斷登古後路之說



此等傳聞寧可信其有按圖內登古在喇穆喇穆東北距大營不遠而登古了口在羅博瓦谷噶之間其去軍營尤近賊由得斯東山溝固可潛出而凱立葉山後穿箐南行亦係來路俱不可不防其凱立葉一路現降旨令五岱加緊防守至登古等處傳諭阿桂就近委派勇幹之員時刻嚴防富勒渾等亦應一體畱心防範且又須處以鎮靜不可因有此語過涉張皇總之成功愈近則防守愈宜周密方爲萬全

初八日

公偕豐昇額色布驕巴爾珠爾奏言臣等查看喇

穆喇穆一帶山梁各礮內其東邊附近登古了口  
並近南薩斯嘉赤溝各礮防備均爲堅固惟魯爾  
魯官兵相對之大礮及迤西峯巒突起處之兩大  
礮在山梁絕頂兩面坡崖如削我兵進攻須從北  
面羅博瓦山梁下至深溝復行攀越山勢更爲陡  
絕賊度官兵不能來攻但得佔此絕頂則已斷其  
後路其餘各礮必俱成瓦解臣等於二十二日晚  
令額森特烏什哈達等帶兵分爲兩路進攻色湖  
魯向南山腿賊礮福康安帶兵接應又令魯爾魯  
海祿等帶兵進攻喇穆喇穆山梁東邊與木城相

對之第一賊礪保寧彰靄等帶兵進攻其次賊礪  
兪令成德特成額六十一等進攻喇穆喇穆左邊  
山腿皆以亂賊人之耳目而掣其力其海蘭察官  
達色泰斐英阿格勒爾德等則帶兵直取喇穆喇  
穆山梁迤西峯巒突起處之兩大礪但恐兵數過  
多行走不無聲響轉易爲賊所知因於滿洲吉林  
索倫綠營屯土各兵內挑選勇健兵六百餘名分  
爲兩隊潛上兪令各處官兵均視海蘭察所帶之  
兵已至山巔然後一齊攻擊二十三日寅刻額森  
額等探望海蘭察等官兵已抵賊礪之下遂率兵

直取色泐會向南山腿詎賊於礮外挖有濠溝三道官兵爭先跳躍越過兩重前抵第三重益加深濶賊人悉力守禦擲石放鎗官兵卽在溝邊箭射矛戳殺死多賊屢次進撲不使賊人少容他顧其會爾會等所攻喇穆喇穆東邊第一賊礮官兵不避鎗石擲拋火彈刨挖礮根賊人窘迫出礮抗拒官兵鎗箭齊發斃賊甚多並有穿紅頭人被官兵射中其背帶箭奔逃餘仍入礮死守其成德等一聞會爾會處鎗聲奮迅前進先將賊人護礮木卡攻開連克石礮四座而賊礮內放鎗甚緊抵死不

出維時海蘭察等所帶各兵先於半夜月出之前  
魚貫而上不但僉無人聲僉將火繩藏起但此處  
本無路徑石壁陡滑官兵等手足僉用且以手攀  
手蟻附而登至丑刻均已於賊礮附近處埋伏及  
至黎明一擁而登直上峯巒突起處礮頂砍開礮  
門躍入將賊衆盡行殺死隨卽進撲尾礮圍攻數  
刻亦卽抉門直入奮力勦殺僉將尾礮下木城兩  
座放火圍燒木城內賊人悉爲燒斃其曾爾曾成  
德保寧等所攻各礮賊人拚死抗拒施放鎗石恐  
致多傷傳令官兵將礮圍住更番攻打及戌刻大

雨淋漓官兵不但徹夜跼立雨中毫無倦怠且將  
火藥火繩弓箭俱用衣服苦蓋以免沾濕至四更  
時賊於礮內放鎗舉火虛張聲勢知其欲行逃竄  
普爾曾等所領各官兵向前吶喊鎗箭齊發賊棄  
礮遁去惜黑夜雨霧之中未能盡爲殲戮隨將各  
礮佔據至二十四日竟夜大雨二十五日早大霧  
迷濛海蘭察復率官兵循喇穆喇穆山梁尾礮而  
下乘勢搶殺西南兩道山腿礮卡官兵新勝之後  
勇氣倍增並攻克日則了口各礮卡亦多殲戮共  
計是次攻得戰礮三十六座木城五座石卡五十

餘處平礮一百餘間殺賊百餘名奪獲騾馬及礮  
位火藥鉛彈鳥鎗刀矛口糧等物甚多查喇穆喇  
穆山脊向西迤邐而下又分爲三股一股爲什爾  
德一股分往拉枯喇嘛寺其勢俱可抵勒烏圍但  
喇穆喇穆及羅博瓦一帶所分兵力已多而新得  
地方又尙須視其緊要處所派兵駐守以現在兵  
數計之自不能遠行分進至向西北之山腿一股  
可以下至遜克爾宗其上雖有兩礮不難攻取卽  
或賊人攢集固守臣等運礮轟摧數日之間乘此  
銳氣必能克獲臣等現於後路內酌量抽撤官兵

調至前敵以便隨機攻勦迅期采入奏入

諭曰喇穆喇穆山梁原爲此路賊人第一要隘山形絕險  
礮卡最堅而日則丫口亦進攻勒烏圍要路在所必爭  
今官兵等皆攀援登越奮不顧身雖遇雨夜霧晨彌加  
勇往殺賊攻礮靡堅不破而海蘭察不避險隘每攻必  
克尤爲超軼出羣堪稱勇將皆由將軍參贊等相機抵  
隙調度有方故能所向克捷朕心深爲嘉悅所有將軍  
參贊以下鎮將弁員均著交部從優議叙其實在出力  
打仗得功兵丁除交部照例議叙外仍著阿桂等查明  
賞給一月錢糧以示優獎



恭錄

御製詩

將軍阿桂奏報大兵攻克喇穆喇山梁及日則丫

口詩以誌事

色溯曾克固可進喇穆喇穆轉在後山梁上有賊戰礮直  
進仍虞彼掣肘我兵相勢分營圍而匪衆徒亦嚴守惟彼  
峯尖兩大礮助崖如削後難走以故賊不甚隄防得此始  
爲據其首揜吭拊背則無難搗虛抵隙或堪取分兵兩路  
各進攻阿桂奏自克色溯曾以來賊知我兵注意在彼守禦益密因細加體察喇穆喇穆一帶山梁其東附  
近登古了口者醜徒聚守最嚴其南近薩斯甲赤溝者亦  
爲堅固惟迤西峯巒突起兩大礮居山絕頂兩旁坡崖如

削北面山勢更陡賊度官兵不能往據若能佔此山巖以  
斷其後路勢必俱成瓦解可收搗虛抵隙之功卽於二十  
二日晚令額森特烏什哈達等分兩路攻色湖普南面山  
岡賊礮福康安帶兵接應又令會爾普海祿等進攻喇穆  
喇穆山梁東邊之礮保寧彰靄等攻其以次賊礮並令成  
德特成額六十六等亦於左邊進攻海蘭察官達色泰斐  
英阿勒爾德等直取絕頂兩大礮於滿洲吉林索倫及  
綠營屯土各兵內選至勇至健兵六百餘分隊潛上別  
選精銳登峯巒峭壁直上千仞高以頂繼踵翼爲手須臾  
遂克兩戰礮賊衆盡殲無一漏叶其餘各礮雖力拒我圍  
益堅魚在箇賊知難拒盡棄遁我兵追戮多僨仆叶十三日  
寅刻額森特等見海蘭察兵已抵賊礮下督兵趨赴越過  
三道洋濠箭燈多賊其魯爾魯等取攻第一賊礮官兵直  
冒鎗石拋擲火彈刨挖礮根賊窘迫出礮官兵鎗箭齊發  
斃賊甚衆鎗射中紅衣賊日胸臂帶箭而竄成德等將護  
礮木卡儘力攻開連克石卡四座維時海蘭察所帶各兵  
先於夜半月出之前掩藏火繩屏息魚貫由石壁陡滑處

緣上前人之踵幾及後人之頂以手引手蟻附前進預伏  
礮旁黎明一擁而登直上東峯礮頂毀門躍入盡殲賊聚  
即撲進西峯尾礮圍攻奮力勦殺無遺餘焚其下兩木城  
賊隨燼滅成德曾爾曾保寧等冒雨攻圍山梁之礮徹夜  
無倦賊棄礮遁二十五日早大霧迷漫之際海蘭察等復  
從山梁尾礮乘勢搶殺西南山岡礮卡官兵勝後勇氣倍  
增並攻克日則了口各礮卡殲戮多賊是役也攻得戰礮  
三十六木城五石卡五十餘平礮百餘殺賊數百餘生擒  
二獲馬贏十一墩一鎗仗口食無算喇穆喇穆山梁爲此  
路賊人第一要隘而日則了口亦勒烏圍要路將士攀援  
超越奮不顧身雖雨夜霧晨彌加勇往而海蘭察不避艱  
險每攻必克尤爲勇將亦因將軍等調度有方因飭部優  
叙並賞兵丁等一月糧並乘勝勇氣百倍增並卽克日則  
傳諭獎賜以待底績策勳

了口是役諸將皆用力而海蘭察功最右相機取遜克爾

宗佇待捷音奏囊剖

公又偕豐昇額色布騰巴爾珠爾奏言明亮抄寄

摺稿稱正地一路難以用兵現帶兵七千名移赴  
凱立葉協同五岱進剿等語明亮係統領官兵身  
親目擊之人今旣稱此路難以力取卽由正地之  
黃草坪循溝直進穿林越箐全無把握謂戰守皆  
非所宜自可毋庸再議第思賊衆止有此數官兵  
四面力攻自不能處處固防嚴密只須一路官兵  
乘隙攻開便可潰其心腹今臣等一路自攻得色  
溯曾後又將喇穆喇穆山梁礪座攻取佔據從此  
得手下壓賊巢則五岱處凱立葉官兵便可前來  
會合並非必須明亮帶兵助剿况賊處處險阻一

夫當關之地甚多若官兵聚集一處賊亦率其醜類死守一處是非所以分其力而轉使聚其力於攻剿全局殊非勝算查綽斯甲布自今歲以來土司頭人實心殺賊破碉屢有明驗特因舒常處兵力稍單不能將攻得之碉據守以圖前進是以臣阿桂當卽繕札告以三路將軍聚於一處於理旣爲未協而向來籌辦總以分開賊勢爲主今再三商酌綽斯甲布土兵近來屢次進攻倍爲出力且該處在在毗連金川此外或尙有能進之路若果可由彼進兵則賊勢一分兩路內不論何路可進

均於大局有裨且既帶兵經由綽斯甲布其地情形自經目擊而該土司頭人光景亦可親加體察此事關係甚重如果可行即改奏似無不可現已飛寄去後統俟其如何酌定覆到再行馳奏奏入報

聞

初九日

諭曰阿桂現已攻得日則了口計日進抵勒烏圍賊人勢當窘迫自必悉力拒守前曾計用衝天礮轟擊成功更爲迅速因派阿彌達運帶礮子及礮式並測量之人前

往但測量必須極準方於事有濟因思測量之法西洋人較內地人員尤爲精熟著傳諭舒赫德於蔣有仁傅作霖二人內詢其測量孰爲最精派令前往現派侍衛班長德保帶同馳驛迅赴阿桂軍營聽用

十五日

公偕豐昇額色布騰巴爾珠爾奏言查小金川地方尙有零星秋麥現在已當成熟自不可任賊番偷割臣等前經奏明賞與鄂克什及別斯滿窮番收割而令穆塔爾賡噶等帶領土兵前往防護並順便搜剿賊匪今爲期已屆卽遣人帶兵前往但

此時大兵從喇穆喇穆攻進將抵賊巢賊酋方悉其醜類於此抗拒其功噶爾拉木果木一帶賊卡未必更有多人踞守若可帶兵潛往搶殺亦足挫賊人之氣此處離美諾底木達尙遠兵數無多不能佔據其地而賊酋心疑又將於此處進攻派人防守更可以稍分其勢穆塔爾等已於六月二十九日起身會同鄂克什土司並派出土兵潛往辦理奏入

諭曰阿桂奏稱小金川地方尙有餘麥派出穆塔爾賡噶等帶兵收割並計功噶爾拉木果木賊匪爲數必少如



有可進之機卽勦殺以分賊勢等語所見甚是現在阿桂等由喇穆喇穆攻克色湖曾曰則了口指日可底遜克爾宗賊人正在此處周圍聚守其功噶爾拉木果木等處賊人必少猝然乘隙奮攻或能得進俱未可定穆塔爾等帶兵無多自難冀其采入常青現在底木達布朗郭宗駐扎相離甚近伊處尙有兵丁况彼進兵係迎賊而進又無侵擾我兵後路之虞常青接奉此旨卽帶兵趕上穆塔爾等查看彼處情形相機辦理並寄信富德就近帶兵前來會同妥辦

十七日

公偕豐昇額色布騰巴爾珠爾奏言查喇穆喇穆山梁迤下三股其向西北者名該布達什諾是處現存賊礮一座金山巒突起處大木城一座雖醜徒守禦甚堅山勢亦極陡險但乘此勝勢進攻自不難摧破因於初五日寅刻雨霧稍停之時卽派海蘭察官達色泰斐英阿等帶兵三隊突至溝邊賊人知覺抵禦拋石放鎗如雨而下官兵奮力爭先躍過濠溝或刨挖礮根或緣礮而上賊見官兵勢猛從礮逸出均經官兵截殺其匿在礮中者已經殲戮無遺其礮外相近之木柵石卡賊人見大

礮已破分頭逃竄官兵趕上亦多殲戮所餘大木  
城一座在山巒突起之處且山脊兩旁林箐深密  
若令官兵直前攻撲仍恐不免多傷尙須拏柵進  
逼臣等督率官兵卽於初五日樹起柵座至初六  
日已起六座逼近賊城金用鎗礮環攻卽日發兵  
攻搶務期必克

公又偕豐昇額色布騰巴爾珠爾奏言臣等接准  
明亮來札稱已親赴宜喜山梁察看情形定於初  
四日分打各礮得手之後卽擬從此直入等語查  
明亮昨抵綽斯甲布地方土司及大頭人等赴營

涕泣請畱情願顯明道路僉有搜集土兵其効死  
力之語如果實心出力自可望其得利且臣阿桂  
前此訪問宜喜一帶形勢有言僉非必不可辦者  
而從羅博瓦對面望宜喜一帶雖山脊之上排列  
各礮甚爲堅固若一經攻克向河而下尙非險阻  
且如宜喜官兵向南下至河邊臣等谷噶一路之  
兵亦向北下至河邊是已將賊境東北一帶各寨  
落截斷在外此各寨賊人諒必非降卽竄而凱立  
葉丹壩官兵均無阻滯可以前來會合由此合攻  
巢穴聲勢更爲壯盛因卽札覆明亮以旣定於宜

喜進攻卽可在彼竭力籌辦如果得手爲益更大  
至<sub>臣</sub>等一路官兵自羅博瓦色溯魯各處屢次打  
仗殺賊已爲不少而色溯魯喇穆喇穆賊所恃以  
爲萬無可慮者又均被官兵力攻而得賊人實已  
心膽俱寒以大勢計之直搗勒烏圍自不至久淹  
時日屆時河之南北皆有官兵而<sub>臣</sub>等又已預備  
造船物料將來官兵乘船往來過渡自可隨機辦  
理况明亮於南路形勢本爲熟悉若大兵至勒烏  
圍後卽帶兵從宜喜正地各山梁之下循河而南  
直至噶拉依對岸卽已出馬爾邦之後可與富德

等兩面夾攻賊境西南一帶又不難於掃淨今於初六日辰刻雲開日出之時遙望宜喜山梁賊礮數座已俱不見但見官兵營盤七座此必係明亮等合力奮攻已經得手二三日間自有確信若果如此蕨事之期自當更速

公又偕豐昇額色布騰巴爾珠爾奏言

臣

等接奉

上諭查達爾圖山梁西邊箐林內賊人改裝漢兵之事竊思賊人本狡詭異常而逆犯張坤忠既叛逃附賊從中指嚇令其改裝潛出希冀搶掠我兵自爲情事所必有

臣

阿桂前在當噶爾拉時誠恐土兵偶

與賊人相混會令土兵帽頂均用布條號片以為

別識嗣後賊人照樣戴用希圖混淆復經臣阿桂

察出即將號片或於十日五日一換顏色賊始無

所施其奸計其改裝漢兵從前未有此事蓋因上

年木果木等處失事所得漢人衣服頗多是以為

此狡猾臣等此路實未曾見至僧格桑之死歷

詢脫出番人及擒拏活口皆稱賊會恐將僧格桑

送出轉致為其控告是以用藥毒死即埋於遜克

爾宗眾口僉同似無疑義查前此賊會欲將僧格

桑送出官兵等未免妄想可以藉此了事今僧格

桑已死各官兵共知金川不滅斷不罷兵心志轉  
爲堅定現在大兵節次進攻將抵賊巢賊人猶復  
不時叫喚臣飭令土弁土兵等不必與之多言第  
告知爾等果欲求生須將土司索諾木及丹巴沃  
雜爾縛獻軍營尙可苟全性命所以不併及莎羅  
奔與各頭人者蓋因前此番衆供稱伊等兄翁不  
和而丹巴沃雜爾又爲百姓所惡若莎羅奔等聞  
言心動使其自相魚肉或亦離間之一法  
公又偕豐昇額色布騰巴爾珠爾奏言查滿洲兵  
丁勇銳超羣固非屯土各兵可及而弓箭勁利並



兵無不樂與隨行恃以無恐但既不習熟此間路徑且與番衆同行言語不通必須重譯倉猝之間呼應不靈是以搜拏夾壩不多派往至軍營打仗不惟對面衝殺俱係滿兵首先率往即攻礮奪掛滿兵鼓勇爭先從不尙恃土兵且節據脫出番人俱稱賊番最畏我兵弓箭而綽斯甲布頭人溫布皆請於宜喜日旁添派弓箭手又據隨營土弁等稱從前曾見官兵與金川打仗未有如此番勇勁亦未見金川人如此畏懼者此皆指吉林索倫勁旅而言則土弁土兵等之心服推重已可概見均

奏入

諭曰阿桂等奏初五日攻克該布達什諾大礮卡柵尙存  
一大木城卽日可期必克等語覽奏欣慰看來官兵一  
得此處卽可乘勝采入直抵勒烏圍自當大有得手佇  
盼捷音又據覆奏軍營打仗俱係滿兵首先率往卽攻  
礮奪卡從不耑恃土兵等語如此方是金川賊酋罪大  
惡極爲天地所不容破賊擒渠計日而待今土兵等旣  
知推重吉林索倫勁旅使衆聞之更足令其鼓舞奮勇  
可期迅奏膚功又據奏初六日辰刻遙看宜喜山梁賊  
礮數座均己不見但見有官兵營盤七座在上必係明

亮合力奮攻竟已得手等語此更非意想可及尤爲可喜明亮得有勝仗必爲奏聞想因程站稍遠不能與阿桂奏函同到約計一二日內亦即可得喜音耳明亮果能從宜喜攻進與阿桂會兵直抵勒烏圍則攻取賊壘自更迅捷又據阿桂稱金可從宜喜正地各山梁下循河而南至噶拉依對岸卽出馬爾邦之後與富德兩面夾攻自當留舒常仍駐宜喜以防後路兼爲明亮聲援方屬萬妥明亮由此路攻進甚爲得力且係獨當一面其功較之隨阿桂助剿者尤大矣

恭錄

御製詩

副將軍明亮奏攻克宜喜達爾圖山已據要隘籌進

取賊巢詩以誌事

宜喜達爾圖賊之北門戶攻已一歲餘曾未進數武所以

豐昇額改圖易西路

叶

達爾圖山梁爲宜喜要隘賊人

舒常攻打經年未能寸進因移兵凱立葉亦無

可進之路遂就阿桂軍營兩將軍並爲一路明亮進正

地復以遇險阻亦欲往西路已謂議可許

明亮自絨布寨

正地及遣人偵探黃草坪一路直進二十餘里不見賊踪

斯噶爾一路堅礮林立籌密山深難於急進且恐墮賊詭

計亦請移赴凱立葉協剿或聽阿桂就阿桂令其迴牽綴

由宜喜

叶

阿桂聞明亮欲往西路之信謂兩路已無藉

亮令赴宜喜酌勦明亮軍次木池得阿桂札即馳往宜喜

而綽斯甲布土司等亦誠懇明亮在彼統兵明亮因駕馭

鼓勵土司共知奮勉自効然其地有鑿也昨接阿桂奏攻礮

於上年之難進未能信其爲策之善也

進了口則了口也即日晴明望宜喜賊礮毀弗睹但見我軍營

列據山梁處疑信尙未定今朝奏囊剖分攻彼七礮奮

勇齊金舉一時皆即克兼得格勒古軍營奏初六日清晨

雲開日出之後遙望達爾圖山梁賊礮俱已不見但見官

兵營盤七座知明亮奏達爾圖山梁橫亘數里其中節尤要賊

於此連築七礮非分攻不能得利因派奎林等攻第一第

二兩礮和隆武等攻第三礮三寶等攻第四礮珠爾格德

等攻第五礮科瑪等攻第六礮噶塔布等攻第七礮每起

帶兵六七百各不等復派馬彪舒景安都爾嘉等各帶兵

策應其俄坡格勒古則令都司崔文傑等帶領維斯甲布

土兵三千往攻初四日黎明前各將領分路進維時大

雨如注官兵冒雨直進勇氣百倍和隆武先攻得第三礮

餘皆以次而克殲賊二百餘斷首級者二十一耳記三十  
七其俄坡格勒古亦俱攻得隨將所有礮卡拆毀安設營  
壘與阿桂所奏望惟餘第四礮勵衆期必取明亮等統計  
見情形適相合矣大礮鎗矛食物無算生擒大頭人一散  
座平房二十六間第四礮未克然其勢已孤現今設法  
番八惟餘東北山口第四礮未克然其勢已孤現今設法  
攻取一經攻克即可乘席捲之去聲成功神且速嘉勞去聲盡  
勢與阿桂合兵持擊以伸衆憤

語而實賴

天佑助順默相輔賊巢已逼近螳背應難禦諸臣既同心

和則力共努

明亮奏至降旨交部優叙在事出力兵丁各賞一月糧將軍等如此同心協力深所嘉許

和能成事計日勝捷音之至

定功膺懋袞捷音日夜佇

二十三日

公偕豐昇額色布騰巴爾珠爾奏言查自七月初

七日夜降大雪至初八日早間始漸停止是晚派海蘭察官達色等分兵三路進攻該布達什諾之木城又派額森特下溝攻撲色溯會左邊山腿木城礮卡以圖繞出賊後又派烏什哈達海祿等分爲兩翼順梁直取色溯會正面大礮福康安等進攻色溯會右邊山腿上賊礮至色溯會靠北山腿係賊人來援之路亦派富興會爾會等列兵而待以便截殺查額森特繞越之路頗遠定於初十日子丑時潛密前進海蘭察攻打之路較近定於是日黎明進攻兩處雖遙望可見而中隔深溝一下

一上有三十餘里恐信息不能迅速因飭知該領隊等遇雨改期攻擊但該布達什諾木城在山巒突起之處路徑本爲陡峭丑寅之間忽降陣雨膠泥滑溜更甚兵丁攀越進攻恐不能得利海蘭察於天未明時乘賊不覺業已撤回而額森特之兵因於丑刻前進下至溝底離賊木城已近難以撤回且乘露雨之中或可攻賊不備隨於卯刻督率官兵攀援上騰砍柵進攻正在鏖戰間有賊七八十名從靠北山腿前來救應經富興等督兵從上壓下曾爾曾亦帶兵循溝衝殺兩面夾攻復經我



滿洲吉林索倫官兵衝入賊隊左右擊射殺賊二  
三十名餘俱負傷敗竄維時官兵已將木城二座  
同時攻得復斃賊二十餘名惟木城在山巖之下  
其上尙有賊礮難以據守當將木城拆毀而回其  
烏什哈達海祿等聞額森特處鎗聲卽督兵攻打  
正面大礮奮迅直前搭放木植板片騰過濠溝直  
抵礮根踴躍攀附而登者十餘人而礮頂堅固雖  
挖開孔隙拋放火彈並用刀矛向下攻戳頗有殺  
傷詎賊於溝沿地窰內及兩邊箐林中間放鎗其  
守礮之賊又復抵死放鎗拋石官兵難以久立遂

拆毀其旁兩礮歸還原隊其福康安等攻至午刻亦均撤回此次打仗藍翎侍衛碩多爾海巴圖魯章京興奎協領賚里克俱帶鎗傷尙無妨碍查色溯會及該布達什諾兩處賊人攢集甚多抵死守禦實屬不遺餘力但臣等熟察道路情形不出險不足以制勝現又踴定道路另圖繞越以期必克

奏入

諭曰此次海蘭察等因將軍預有號令遇雨卽撤尙非退縮而額森特卽於雨霧中帶兵攻得木城甚爲勇往蓋額森特見海蘭察屢次立功居多亦思奮勉自勵故不

附方公全言卷一十二  
避雨潭將二木城立時攻拔而富興會爾會等金皆盡  
力助勢烏什哈達亦聞聲攻得旁卡二座均係可嘉著  
阿桂將該將領等及出力之弁兵查明存記統俟攻得  
勒烏圍時咨部一併優叙

三十日

公偕豐昇額色布騰巴爾珠爾奏言臣等查該布

達什諾木城在山巒突起處賊人聚守甚堅且十  
三四五等日陰雨連綿間以飛雪雲霧四塞賊人  
木城無從望見又膠泥滑溜亦不能攀躋用力臣  
等熟察木城之左卽係山溝金無路徑賊料官兵

斷難行走若從此繞至該布達什諾木城之後山  
腿之上即可斷其後路當派海蘭察等帶領索倫  
吉林屯土兵練六百名從溝內繞過賊人木城搶  
佔後山腿但箐林深長必須步步接應復派侍衛  
楚巴什等帶兵下至溝底爲海蘭察等接應又派  
瑚尼爾圖帶兵爲楚巴什等接應其該布達什諾  
左手之什爾德山梁賊卡派令成德特成額等帶  
兵攻打作爲牽綴而該布達什諾木城正面則派  
令官達色海祿倭昇額保寧瑪爾瞻格勒爾特泰  
斐英阿等督兵攻撲不使賊人知我繞進之兵至

色溯會前面礮卡其右首山脊之下前日雖從此進攻但須下至溝底路徑遼遠已有賊人防守未易繞進因派烏什哈達等進攻賊礮之右木城水卡福康安會爾會等進攻向南山腿嘉德古礮卡以分賊勢而額森特等仍從正面攻打大礮富興等帶兵接應分撥已定至十六日天氣稍晴卽於是夜發兵至十七日寅刻先令官達色等帶兵抵該布達什諾木城下竭力攻打海蘭察等隨卽帶兵由左手山溝潛進繞過木城各官兵攀林附石不避險滑奮迅進行賊人全未知覺比及天色黎

明海蘭察已繞過箐林佔據該布達什諾木城後  
山腿之上。一面派兵將附近寨落焚燒。勦殺。惟是  
此一帶攢集賊人不少。一見官兵已出其後。要隘  
將失。悉力前來。連次衝撲。海蘭察之隊。滿洲索倫  
官兵俱各向前迎擊。鏖戰經時。海蘭察及侍衛官  
兵所帶箭枝幾盡。斃賊無數。並有兩頭人帶箭竄  
回。餘賊遁入木城石卡。臣等見賊捨死抵拒。又派  
健兵四百名前往接濟。而是日早間已有微雨。及  
午未間北風忽作。雪霧瀾漫。海蘭察等因官兵力  
戰一日。且天時將晚。不能分兵。砍運木植。官兵難

以存駐卽從原路撤回惟時官達色海祿等兵在該布達諾木城前面左右合力攻撲詎賊入木城外又圍木柵兩層每層之外挖有深溝其木城上又有片板以防官兵拋入火彈而兩旁林箐及木柵中間又擲石放鎗如雨官兵從鎗石叢中將板片墊過第一層濠溝扳開木柵進至第二層賊人守禦益堅板柵官兵被賊砍傷手指甚多正在相持間而海蘭察等以從此撤出較爲妥便遂帶兵轉上山腿作爲夾攻木城之狀密令土兵從山腿之右廝開道路帶兵衝殺繞出與官達色會合一

同漸次撤回至額森特等遙見該布達什諾之後  
各寨烟起知海蘭察等業經繞出料賊人悉力往  
救則色溯會右手山溝之下備禦稍疏可以乘勢  
繞截卽令富興等攻打大礮前面帶兵下溝前進  
直上色溯會前面賊礮之後山梁一面派兵焚燒  
山腿下寨落一面將營盤拏住臣等查色溯會山  
腿迤邐而西南該布達什諾山腿迤邐而西其間  
有了口一處過此卽遜克爾宗本爲賊人往來之  
地是以務須繞過截斷但額森特之兵自山溝繞  
進已三十餘里路徑極爲險惡且我兵旣可截斷



賊人後路賊又可從得斯東遜克爾宗來截我兵  
之後隨於十七日晚飛令會爾會烏什哈達等帶  
兵前往於緊要處所分段防遏但色溯會前面山  
腿地勢甚長官兵雖已環其三面而向南之嘉德  
古溝一面賊人尙可往來且額森特所帶官兵無  
多未能悉行分兵截斷復於十八日調令海蘭察  
瑚尼爾圖帶兵二千從色溯會北面山溝前往既  
爲額森特添助聲勢且由額森特處橫過遜克爾  
宗了口仍捨佔該布達什諾木城後山腿賊卽難  
於據守同日仍令富興等進攻色溯會前面大礮

福康安等進攻向南山腿嘉德古溝上之礮卡成  
德官達色等進攻該布達什諾木城並令刻刻伺  
賊間隙迅攻奮取而又令於十九日子刻各處齊  
進務期必得是夜亥刻海蘭察等之兵已至額森  
特所據山梁隨帶兵繞從嘉德古溝仍往據該布  
達什諾木城後之山腿賊見各處官兵合力奮攻  
且又恐截其後頗露慌亂情形官兵乘勢拆柵上  
礮無不勇氣百倍富興等將色溯會前面大礮攻  
克福康安等將向南山腿礮卡攻克成德官達色  
等將該布達什諾木城石卡攻克其海蘭察帶兵

將抵該布達什諾山腿之後有賊百餘名直前衝  
突我兵矢發如雨斃賊多人餘賊奔逃於是督兵  
追殺奪獲畢里覺等寨派兵燒燬額森特帶兵順  
梁而下隨奪獲巴咱拉噶爾畢里覺奈斯等寨又  
令侍衛額爾特從色溯曾山腿北面下溝奪獲斯  
達木格拉斯當噶克卡爾巴岳等寨烏什哈達奪  
獲得斯東全寨亦俱焚燬維時成德官達色等所  
領官兵迅速前進與海蘭察會合海蘭察之兵又  
與額森特聯絡現已併力進圍遜克爾宗官寨此  
一帶卽係格魯瓦覺地方共計攻克大碉二十三

座燒燬官寨七十八處共殺賊人三四百名奪獲軍火器械等物無算查此路大兵自攻進以來節次摧開要隘且殲戮醜類實繁有徒訊據投出番人供稱索諾木弟兄俱親來遜克爾宗將勒烏圍番人能持軍械者攢集前來蓋因大兵日進日深其護巢衛死實屬不遺餘力是以海蘭察繞進該布達什諾後面時賊人明來衝突敗而復前散而復聚捨死苦鬪被我兵殺賊甚多併將至險之地復行攻克僉焚其寨落無數賊衆益爲喪膽至遜克爾宗官寨右山腿迤邐將盡峯巒復起之處止

有一面可以仰攻但或斷其水道或從拉枯喇嘛寺等處截其後路自不難於得手奏入

諭曰阿桂等奏七月十八九等日將該布達什諾嘉德卡色湖魯山腿礮卡木城悉行攻克並燒焚格魯瓦覺各處寨落現在進圍遜克爾宗等語連日正盼捷音覽奏深爲欣悅大兵屢次攻克要隘我武更揚指日迅掃賊人巢穴早奏膚功皆由將軍參贊等調度有方領隊鎮將等於地利軍情俱皆熟悉故能動合機宜深可嘉尙均著交部從優議叙其在事出力打仗官兵並著查明咨部議叙以示鼓勵

恭錄

御製詩

將軍阿桂奏報攻克該布達什諾木城及色溯會下

各碉壘焚燒格魯瓦角寨落詩以誌事

制勝出奇資帥畧克碉殲賊不崇朝

阿桂奏該布達什諾

若從彼繞出卽斷其後路不得不得不爲冒險出奇之計隨派  
海蘭察等分路繞截攻打十七日寅刻各帶兵潛進比黎  
明海蘭察已繞過箐林搶佔木城後山腿之上派兵焚其  
附近寨落殲其番衆賊見事勢危急悉衆來援捨死相鬪  
我滿兵索倫兵鎗箭齊發殲賊無數兪射其兩頭人官兵  
箭枝將盡遂暫撤回額森特見賊人寨落烟起知海蘭察  
已繞出則色溯會右山溝下備禦必疏遂超越巉道溇塗  
且戰且行直踞色溯會山梁亦焚其下附近寨落十八日  
復派各路帶兵分攻訂於十九日子刻同時並起官兵乘  
勢分進拆柵上碉勇皆百倍富興福康安成德等各將木

城礮卡攻克海蘭察於山後射斃多賊額森特亦循山梁  
直下均各攻奪賊寨立時焚燬此皆色湖會下格魯瓦角  
地方也計克戰礮二十三木城九石卡六十餘焚燬寨落  
七十餘礮房數百殲賊男婦老幼三四百所獲軍械糧畜  
無算官兵勢已聯絡三軍敵愾誠均篤二將宜猷績獨超  
現在進攻遜克爾宗將領弁兵無一不奮勇出力而海蘭  
此次攻礮殺賊在事將羣除諡部優叙外仍加賞海蘭察  
察額森特尤為勇畧超羣除諡部優叙外仍加賞海蘭察  
超勇巴圖魯額森特嫻羣除諡部優叙外仍加賞海蘭察  
勇巴圖魯號以旌異之事逮半功將逮倍勇宜鼓者不宜  
驕現今大功將成諸事尤宜全善三軍乘勝采入自皆鼓  
驕勇直前然不可因此稍涉矜驕以致志得意滿畧有疏  
懈金傳諭勗哉佇企紅旗報紫閣重開姓氏標凱旋時會  
切戒之儼於紫光閣其立勲最著之五十一人親為之贊餘  
繪功臣像於紫光閣撰贊辭書之並紀殊勲今平定金川  
五十人亦命儒臣擬撰贊辭書之並紀殊勲今平定金川  
原係內地土司雖非西師更多將來功成凱宴亦欲倣西師  
堅力戰之績則較西師更多將來功成凱宴亦欲倣西師  
之例圖形紫光閣以昭懋典也

公又偕豐昇額色布騰巴爾珠爾奏言查勒烏圍  
係賊人要隘舊巢本與噶拉依相等是以賊酋將  
遜克爾宗一帶糧食搬往存貯以爲死守之計今  
仰仗

天威臣等大兵已逼賊巢明亮一軍已克宜喜堅礮據訊  
投出番人有索諾木帶兵來至勒烏圍欲往宜喜  
之說賊酋既併力於此一處則噶拉依之備禦自  
應單弱而功噶爾拉當噶爾拉及昔嶺等處亦料  
無多人聚守此時不論何路督兵進剿原可期其  
得利但此時努力進攻斷無不分之兵且分一路



官兵又須設一路糧臺驛站轉不免徒稽時日况  
臣等一抵勒烏圍其凱立葉丹壩官兵更無阻滯  
即可將勒烏圍東北一帶寨落逐一掃淨而明亮  
宜喜之兵下至河濱循河而東至噶拉依賊巢對  
過卽出馬爾邦庚特額之後與富德絨布官兵會  
合便可合搗噶拉依擒渠掃穴早爲歲事奏入報

聞